


大毘婆沙論

牙一百六十六

三百八十八
逸六

85058



阿毗達磨大毗婆沙論卷第一百六十六

五百大阿羅漢等造

三藏法師

玄奘奉

詔譯

定蘊第七中攝納息第三之一

十想謂無常想無常苦想苦無我想死想不
淨想厭食想一切世間不可樂想斷想離想
滅想如是等章及解章義既領會已應廣分

別問何故此中先依十想作論答彼作論者
意欲令故隨彼意欲而作斯論但不違法相
便不應責有說為欲分別契經義故如契經
中說有十想無常想乃至滅想契經雖作是
說而不廣辯今欲辯之故作斯論問何故此
中但說十想答此不應問以是佛經所說故

佛於處處經中惟說十想作論者於佛所說
中不能增一說十一想不能減一說於九想
所以者何佛所說法無增減故不可增減如
無增無減無多無少無缺無長無量無邊亦
今無量者義難測故無邊者文難了故譬如
大海無量無邊無量者深無邊者廣假使百
千那庾多數諸大論師如舍利子於佛所說
二句經中造百千論分別解釋盡其覺性亦
不能窮其邊量況復多耶問置作論者何故
世尊但說十想答所化有情齊此所說事究
竟故謂佛世尊凡所說法皆觀有情所應作
事令善究竟齊此而止不增不減譬如良醫

觀有病者隨應投藥不增不減佛亦如是有
說世尊為顯聖道聖道加行及聖道果故說
十想謂說無常想無常苦想苦無我想死想
則顯聖道說不淨想馱食想一切世間不可
樂想則顯聖道加行說斷想離想滅想則顯
聖道果有說世尊為顯聖道聖道資糧及聖
道果故說十想此中配釋如前應知有說世
尊為顯奢摩他毗舍舍那及二果故說於十
想謂說不淨想馱食想一切世間不可樂想
則顯奢摩他說無常想無常苦想苦無我想
死想則顯毗舍舍那說斷想離想滅想則顯
彼二果有說世尊為顯此岸彼岸及船棧故

說於十想謂說不淨想。馱食想。一切世間不可樂想。則顯此岸說。斷想。離想。滅想。則顯彼岸說。無常想。無常苦想。苦無我想。死想。則顯船棧有說。世尊爲顯諸蘊諸界過失及彼還滅果。故說十想。謂說無常想。無常苦想。苦無我想。則顯諸蘊過失。說不淨想。馱食想。則顯欲界過失。說一切世間不可樂想。則顯色界過失。說死想。則顯無色界過失。說斷想。離想。滅想。則顯彼還滅果。有說世尊爲顯入正性離生。離三界染及彼道果。故說十想。謂說無常想。無常苦想。苦無我想。則顯入正性離生。說不淨想。馱食想。則顯離欲界染。以欲界有

婬欲及段食欲於彼染習不能離欲界染故
說一切世間不可樂想則顯離色界染以色
界有生死中最勝喜受最勝樂受及第四靜
慮最勝輕安樂於彼耽著不能離色界染故
說死想則顯離無色界染以無色界壽量長
遠於彼保著不能離無色界染故說斷想想離
想滅想則顯彼道果有說世尊為顯近對治
所治障故說於十想謂說無常想想顯近對治
於諸行中我慢障說無常苦想想顯近對治懈
怠障說苦無我想顯近對治我見障說不淨
想想顯近對治色貪障說厭食想想顯近對治耽
美食障說一切世間不可樂想想顯近對治貪

著世間可愛事障說死想顯近對治恃命憍
逸障說斷想顯近對治諸非法障說離想顯
近對治染著障說滅想顯近對治所依障有
說世尊爲顯對治外道執見故說十想謂諸
外道於無常蘊中多起常執對治彼故說無
常想彼由於蘊起常執故便計爲樂對治彼
故說無常苦想彼由於蘊執有樂故便計有
我對治彼故說苦無我想彼由執有我故便
計有淨對治彼故說不淨想及厭食想彼由
執有淨故便樂著生死對治彼故說一切世
間不可樂想彼由著生死故便不求涅槃對
治彼故說斷想離想滅想彼由不求涅槃故

保愛壽命對治彼故說於死想有說世尊爲
顯厭逆過失遠離過失及證離彼所得功德
故說十想謂說不淨想厭食想一切世間不
可樂想則顯厭逆過失說無常想無常苦想
苦無我想死想則顯遠離過失說斷想離想
滅想則顯證離彼所得功德有說世尊爲顯
暫時斷究竟斷故說十想謂說不淨想厭食
想一切世間不可樂想顯暫時斷說餘七想
顯究竟斷如暫時斷究竟斷如是有影斷無
影斷有餘斷無餘斷有縛斷無縛斷摧枝葉
斷拔根本斷制伏纏斷害隨眠斷亦亦有說
世尊爲顯離三界染加行離三界染道離三

界染故說十想謂說不淨想馱食想顯離欲
界染加行說無常想顯離欲界染道說斷想
顯離欲界染說一切世間不可樂想顯離色
界染加行說無常苦想顯離色界染道說離
想顯離色界染說死想顯離無色界染加行
說苦無我想顯離無色界染道說滅想顯離
無色界染

如是十想界分別者不淨想馱食想一切世
間不可樂想欲色界餘三界及非界地者不
淨想馱食想在十地謂欲界靜慮中間四靜
慮及四近分一切世間不可樂想在七地謂
欲界未至靜慮中間根本四靜慮餘七想有

漏者在十一地謂欲界未至靜慮中間根本
四靜慮四無色無漏者在九地謂未至靜慮
中間根本四靜慮下三無色所依者不淨想
馱食想一切世間不可樂想依欲界餘依三
界行相者無常想作無常行相無常苦想作
苦行相苦無我想作無我行相不淨想作不
淨行相馱食想作馱逆行相一切世間不可
樂想作不可樂行相死想作死行相斷想作
斷行相離想作離行相滅想作滅行相有說
後三一切皆作滅靜妙離四種行相問死想
亦通無漏云何聖道作死行相耶答死爲所
緣故名死想然彼還作無常行相問若介死

想無常想有何差別有說觀察諸行最後無常此想名死想觀察諸行剎那無常此想名無常想有說觀察有執受諸行無常此想名死想觀察有執受無執受諸行無常此想名無常想有說於有情處轉名死想於法處轉名無常想問若馱食想作馱逆行相者彼不淨想亦作馱逆行相此二有何差別答不淨想馱逆於色馱食想馱逆於味有說不淨想對治婬貪馱食想對治食貪諸有欲令十六行相外無聖道者彼說無漏斷離滅想即作滅諦四種行相諸有欲令十六行相外有聖道者彼說無漏斷想即作斷行相乃至無漏

滅想即作滅行相所緣者無常想有漏者三
諦爲所緣無漏者苦諦爲所緣無常苦想有
漏者二諦爲所緣無漏者苦諦爲所緣苦無
我想有漏者一切法爲所緣無漏者苦諦爲
所緣然佛此中所說三想惟說緣苦諦非餘
不淨想眼識爲加行所引發故色處爲所緣
馱食想馱段食故香味觸處爲所緣有說此
想亦眼識爲加行所引發故但以色處爲所
緣一切世間不可樂想有說惟緣欲界以說
此想對治緣世間可愛事貪欲此貪欲惟在欲
界故此中有說惟緣世間可愛事有說亦緣
可愛事所起貪欲問若惟緣欲界者云何名

一切世間不可樂想。答一切有二種。一切一切。二少分。一切。此中說少分。一切。是故無過。有說此想通緣三界。以名一切世間不可樂想。故問若尔。何故說此想對治世間可愛事。貪欲。彼貪欲。惟在欲界。故答彼經顯示初起趣入加行。故作是說。若已數習成滿者。亦能斷色無色界貪欲。是故無過。死想。有說以最後剎那命根為所緣。有說以最後剎那命根無常為所緣。有說以最後剎那命根俱生五蘊為所緣。有說以最後剎那命根俱生五蘊無常為所緣。有說以一切衆同分命根為所緣。有說以一切衆同分命根無常為所緣。

有說以一切衆同分命根俱生五蘊爲所緣
有說以一切衆同分命根俱生五蘊無常爲
所緣如是說者以最後命根俱生五蘊無常
爲所緣斷想以斷爲所緣離想以離爲所緣
滅想以滅爲所緣此後三想隨別如此即是
皆以滅諦涅槃爲所緣義念住者無常想無
常苦想苦無我想四念住俱不淨想馱食想
身念住俱一切世間不可樂想有說身念住
俱有說法念住俱死想斷離滅想法念住俱
智者無常想無常苦想苦無我想死想四智
相應謂法智類智苦智世俗智不淨想馱食
想一切世間不可樂想一智相應謂世俗智

斷離滅想四智相應謂法智類智滅智世俗
智三摩地者無常想無常苦想死想無漏者
與苦無願三摩地相應苦無我想無漏者與
空三摩地相應斷離滅想無漏者與無相三
摩地相應不淨想馱食想一切世間不可樂
想及餘七想中有漏者皆不與三摩地相應
根者摠說皆與三根相應謂樂喜捨根世者
皆墮三世緣世者無常想無常苦想苦無我
想緣三世不淨想馱食想一切世間不可樂
想過去緣過去現在緣現在未生者緣未
來不生者緣三世死想有說緣三世有說緣
未來斷離滅想緣非世善等者一切皆善緣

善等者無常想無常苦想苦無我想不淨想
緣善不善無記馱食想緣無記一切世間不
可樂想有說緣三種有說緣不善無記死想
有說緣無記有說緣三種所離滅想惟緣善
三界繫不繫者不淨想馱食想一切世間不
可樂想欲色界繫餘三界繫及不繫緣三界
繫不繫者無常想無常苦想苦無我想死想
緣三界繫不淨想馱食想緣欲界繫一切世
間不可樂想有說緣欲界以說此想對治緣
可愛事貪欲此貪欲惟在欲界故有說緣三
界以此名一切世間不可樂想故如是說者
初說爲善斷離滅想緣不繫學等者不淨想

馱食想一切世間不可樂想惟非學非無學
餘通三種謂學無學非學非無學緣學等者
一切皆緣非學非無學見所斷等者不淨想
馱食想一切世間不可樂想惟修所斷餘通
修所斷及不斷緣見所斷等者無常想無常
苦想苦無我想緣見修所斷不淨想馱食想
一切世間不可樂想緣修所斷死想有說緣
修所斷有說緣見修所斷斷離滅想緣不斷
緣名義者無常想無常苦想苦無我想通緣
名義死想有說惟緣義有說通緣名義餘六
想但緣於義緣自相續等者前七想緣自他
相續後三想緣非相續加行得離染得生得

者一切加行得離染得非生得有漏無漏者
不淨想獸食想一切世間不可樂想惟有漏
餘有漏無漏外國師說死想惟有漏所以者
何非諸聖道作我當死行相轉故評曰如是
說者應說此想有漏無漏以此相加行時雖
作我等當死行相若成滿時即於彼境還作
無常行相轉故緣有漏無漏者前七想緣有
漏後三想緣無漏問此十想幾有漏緣無漏
幾無漏緣有漏幾有漏緣有漏幾無漏緣無
漏答三少分是有漏緣無漏四少分是無漏
緣有漏三全四少分是有漏緣有漏三少分
是無漏緣無漏問此十想幾非有漏非不緣

有漏乃至廣作四句前第二句作此第一句
前第一句作此第二句前第四句作此第三
句前第三句作此第四句有為無為者一切
皆是有為緣有為無為者前七想緣有為後
三想緣無為問此十想幾自性斷非所緣斷
幾所緣斷非自性斷幾自性斷亦所緣斷幾
非自性斷亦非所緣斷答三少分自性斷非
所緣斷四少分所緣斷非自性斷三全四少
分亦自性斷亦所緣斷三少分非自性斷亦
非所緣斷問此十想幾非自性斷非不所緣
斷乃至廣作四句前第二句作此第一句前
第一句作此第二句前第四句作此第三句

前第三句作此第四句問此十想幾是轉幾是隨轉答三是轉謂不淨想馱食想死想餘七是隨轉問若尔何想轉時幾想隨轉答不淨想馱食想轉時各四想隨轉謂一切世間不可樂想及斷離滅想死想轉時七想隨轉謂無常想無常苦想苦無我想一切世間不可樂想及斷離滅想去何不淨想轉時四想隨轉謂修行者起不淨想時先往塚間觀不淨相所謂死屍青瘀腫脹膿爛或虫獸食噉血肉狼藉支節分離或肉盡筋連惟觀骨瓌次第連接取是相已至一近處閉目思惟若皆分明現前者善若不明了當更往觀如此

善觀不淨相已疾還所止洗足敷座結跏趺
坐調滑身心令身心柔栗身心堪能身心無
熱身心離蓋既令身心離諸蓋已取先外相
以方己身如彼此亦尔如此彼亦尔謂我此
身具有如前諸不淨相因於足骨以拄踝骨
因於踝骨以拄脛骨因於脛骨以拄膝骨因
於膝骨以拄胫骨因於胫骨以拄寬骨因於
寬骨以拄腰骨因於腰骨以拄脊骨因於脊
骨傍連肋骨又因手骨以拄肘骨因於肘骨
以拄臂骨因於臂骨以拄肩骨因於肩骨以拄
脊骨復因脊骨以拄項骨因於項骨以拄頷
輪因於頷輪以拄齒鬚上有髑髏於此身中

骨璣次第善取相已繫念眉間然其所樂有
廣有略若樂略者即從眉間入身念住從身
念住入受念住從受念住入心念住從心念
住入法念住若樂廣者從眉間起復觀髑髏
齒髮頷輪次第觀察乃至足骨次由勝解作
意力故今所觀骨璣漸增漸廣遍滿一床一
房一院一僧伽藍一村一田一城一國乃至
大海邊際所有大地皆爲白骨周匝遍滿復
以勝解作意力故從彼漸略捨大地骨觀於
一國捨一國觀一城乃至捨一房觀一牀復
捨一牀所有骨相但觀身骨謂觀足骨次觀
踝骨次觀脛骨乃至最後觀髑髏骨捨髑髏

骨繫念眉間彼瑜伽師若於如是廣略自在
是名不淨觀成然此不淨觀有所緣少非自
在少應作四句有所緣少非自在少謂但思
惟自身骨瑩相而能數數入出彼觀有自在
少非所緣少謂能思惟大地骨瑩相而不能
數數入出彼觀有自在少亦所緣少謂但思
惟自身骨瑩相亦不能數數入出彼觀有非
自在少亦非所緣少謂能思惟大地骨瑩相
亦能數數入出彼觀又此不淨觀有所緣無
量非自在無量應作四句謂前第二句作此
第一句前第一句作此第二句前第四句作
此第三句前第三句作此第四句彼瑜伽師

如是觀察不淨相已作是思惟生死諸行何
可欣樂亦時便於欲色無色三界諸行都不
貪樂由如此故彼先所修一切世間不可樂
想便得圓滿彼由不欣樂生死故便欣樂涅
槃由此因緣先所修習斷離滅想皆得圓滿
如是不淨想轉時四想隨轉云何厭食想想轉
時四想隨轉謂修行者起厭食想時觀手中
若鉢中食從何而成知從穀等復觀穀等從
何而來知從田中種子差別復觀種子由誰
故生知由種種泥土糞穢如是觀已便作是
念此食展轉從不淨生復能展轉生諸不淨
誰有智者於中貪著又彼行者或常乞食或

僧中食常乞食者晨朝澡漱嚼楊枝時於水
作屎想於楊枝作指骨想著衣持鉢往聚落
時於衣作濕人皮想於腰緇作人腸想於鉢
作髑髏想於錫杖作脛骨想於道路間所見
礫石作骸骨想既至聚落見諸城壁作塚墓
想見諸男女作骨瓌想於乞食時若得餅作
人肚想若得麩作骨糝想若得鹽作人齒想
若得飯作蛆虫想若得諸菜作人髮想若得
羹臠作下汁想若得乳酪作人腦想若得蘇
蜜作人脂膏想若得魚及肉作人肉想若得
諸飲作人血想若得歡喜丸等作乾糞想其
僧中食者若得淨草作死人髮想所處牀座

作骨聚想於所得飲食作不淨想皆如前說
問行者何故於飲食等作不淨想耶答彼作
如是思惟我無始生死由於不淨作淨想故
輪迴五趣受諸苦惱今欲違彼趣涅槃樂是
故於中觀爲不淨復次彼行者作是念莫令
我於飲食生淨想故增益貪心障礙聖道故
於飲食作不淨想由不淨想便能厭離彼瑜
伽師如是於食起厭想已作是思惟生死諸
行何可欣樂便於三界諸行生厭由如此故
彼先所修一切世間不可樂想便得圓滿彼
田厭生死故便樂涅槃由此因緣先所修習
斷離滅想皆得圓滿如是厭食想轉時四想

隨轉云何死想轉時七想隨轉謂修行者起
死想時觀察諸法念念生滅彼於春時見諸
卉木生華生葉鮮榮紅紺如妙寶色河池津
液水漸盈滿魚鳥喧戲便作是念今外物生彼
入聚落見諸男女歌儻跳躍飲食喜慶即前
問之此何故尔荅曰此處生男生女便作是
念今內法生復於夏時見諸卉木柯條聳密
華葉茂盛河池汎溢波濤輪轉查沫凌岸便
作是念此諸外法今已興盛彼入聚落見諸
男女擊鼓吹貝歌儻歡笑車馬雜沓即前問
之此何故尔荅曰此中有嫁娶事便作是念
此諸內法今已壯盛復於秋時見諸草木為

秋日所曝涼風所吹青色銷盡葉皆黃悴河
池流水漸漸減縮便作是念此諸外物今已
衰悴彼入聚落見諸男女髮白面皴扶杖而
行身形曲僂咳逆上氣便作是念此諸內法
今已衰老復於冬時見諸草木霜風飄擊葉
皆在地摧折枯死河池流水漸皆竭盡乃至
乾涸便作是念此諸外法今已復滅彼入聚
落見諸男女被髮跳踊提曾號叫宛轉在地
即前問之此何故尔荅曰此處父母死喪便
作是念此諸內法今已復滅彼於如是內外
無常善取相已還其所止洗足敷座結跏趺
坐調滑身心令身心柔冥身心堪能身心無

熟身心離蓋既令身心離諸蓋已內住其心
修於死想謂如所見諸無常相觀察內身一
期諸蘊結生時生乃至老死時滅復於一期
有尔所位諸蘊各異捨餘隨觀一位諸蘊前
生後滅復於一位有尔所歲諸蘊各異捨餘
隨觀一歲諸蘊前生後滅復於一歲有尔所

經 阿含部 卷之三

時諸蘊各異捨餘隨觀一時諸蘊前生後滅
復於一時有尔所月諸蘊各異捨餘隨觀一
月諸蘊前生後滅復於一月有尔所晝夜諸
蘊各異捨餘隨觀一晝夜諸蘊前生後滅復於
一晝夜有尔所年呼粟多諸蘊各異捨餘隨
觀一年呼粟多諸蘊前生後滅復於一年呼粟

多有尔所臘縛諸蘊各異捨餘隨觀一臘縛
蘊前生後滅復於一臘縛有尔所怛刹那諸
蘊各異捨餘隨觀一怛刹那蘊前生後滅復
於一怛刹那有尔所刹那諸蘊各異以刹那
最多故於中漸漸略觀乃至觀蘊二刹那生
二刹那滅是名生滅觀加行圓滿從此無間
能觀諸蘊一刹那生一刹那滅是名生滅觀
成尔時名爲死想圓滿以諸位滅即是死故
彼修行者如是諦觀蘊生滅已便作是念世
尊所說諸行無常誠爲善說以生滅即無常
故如是行者死想轉時令先所修諸無常想
皆得圓滿行者復觀諸蘊相續前刹那蘊由

後刹那蘊所逼迫故生已即滅如是觀已便
作是念世尊所說無常故苦誠為善說以逼
迫即是苦故如是行者死想轉時令先所修
無常苦想而得圓滿行者復觀前刹那蘊纔
滅後刹那蘊即生假使前蘊念言我今不滅
後蘊念言我今不生彼於所欲皆不自在前
蘊後所逼故必滅後蘊前所牽故必生如是
觀已便作是念世尊所說苦無我想誠為善
說以不自在即無我故如是行者死想轉時
令先所修苦無我想而得圓滿行者復觀諸
行生滅不自在故於空行聚中不生貪樂由
此便於三界諸行不生樂著如是死想轉時

令先所修一切世間不可樂想而得圓滿彼
修行者既於生死不樂著故便樂涅槃如是
死想轉時令先所修斷離滅想皆得圓滿由
此故說死想轉時七想隨轉問修諸想時有
勝解作意有真實作意彼勝解作意所觀不
實何非顛倒答彼修行者知非真實不生實
執故非顛倒問若知不實何故猶作答爲伏
煩惱是故須作問此若不實去何能伏煩惱
答由作彼想便能制伏如於餘女作母想時
不生貪染於怨憎所作親想時不生瞋恚於
下人所作尊想時不生憍慢此亦是故須
觀察

說一切有部發智大毗婆沙論卷第一百六十六 逸

無長丈下音更多主上於舡棧伐下音恃市音暫暫暫暫

正上青於去下於腓脹反上疋江疋降筋筋二音同

正上骨璣作下鎖正柔奕下上而周反拄蹠下上知主反

脛反胡定膝俗作胫胫反蒲米軟字寬正作脊脊音肋音

肘反知柳頷反胡感變反莫班髑髑二樓髑髑音澡漱字二

瘦音早音爵反才約屎尿上二同髻緇下土高反錫杖

上先礫石上音骸反戶皆麩反尺小糝字末鹽字益蛆

虫下上津液亦下音跳躍二條藥音卉木上紅紺下古

汎溢下上而芳跳躍二條藥音柯條上音聳密上息

蒲音木暴反悴反才遂縮反所六面皺瘦下反側曲儂主下反曝

一音木暴反悴反才遂縮反所六面皺瘦下反側曲儂主下反曝



咳

逆

德上

反口

飄

反

正

苗

乾

下音

推

曾

上

音

追

反

號

叫

高上

反戶

宛

轉

反上

紆

遠

滑

反玄

八

栗

夕

上音

即

縛

上

反郎

逼

迫

下上

音彼

力

反

姚

反

八

栗

夕

上音

即

Small handwritten characters or marks at the bottom left corner.

